

新工程合約工地安全講座

2024 年 1 月 16 日 星期二 2:30p.m at VIP Room, Block 4, HAHQ

總結構工程師(二) 陳偉棠先生的歡迎詞

午安，歡迎各位同事及業界嘅朋友出席今日新工程合約工地安全網上講座！在此祝福大家喺 2024 新一年工作順利，平平安安。

房委會近年致力推動創新科技，最近我哋喺建築工程規格裏面加入和修訂各項安全智慧科技要求，落實推行安全智慧科技措施，提升工地安全管理同效率。今日我哋好榮幸邀請到**職業安全健康局首席顧問楊冠全博士**為我哋演講「由創新出發，探索職安健科技之行」，楊博士曾經參加世界各地舉辦有關職安健科技展覽和參觀，佢今日嘅分享希望幫助大家了解當中部分最新建築工程創新科技嘅應用。

此外，臨時工程，例如臨時工作平台、保護簷篷和塔式起重機引致嘅意外時有發生，後果往往十分嚴重，導致人命傷亡。房委員將會對臨時工程進行優化監管，提升臨時工程的安全水平。我哋今日邀請咗**高級結構工程師溫志堅先生**以及**結構工程師吳子傑先生**，為我哋講解一下房委會對臨時工程優化監控嘅措施。

房委會一直十分關注工地安全，我哋每季都夥拍職業安全健康局喺房委會新工程工地進行安全稽核和突擊安全巡查。除咗查找安全不足嘅地方之外，更重要嘅係直接同前線人員溝通交流，提高工地安全意識。稍後，**職業安全健康局高級顧問許家友先生及方立行先生**會為我們分析 2023 年第 2 季至 2023 第 3 季嘅突擊安全巡查同安全稽核嘅結果，亦會同大家分享良好及不良作業。

最後希望藉著今天嘅安全網上講座，比大家掌握更多、更新嘅安全資訊，提升大家嘅安全意識，注意健康及緊記工地安全。我亦期望大家能夠並將今日嘅安全訊息帶返工地，一齊將安全種子傳播出去。謝謝！